

先祖寄吳花宜先生滇中詩冊

癸丑春初敬彊前輩歸昇在守章識



太師誠意伯劉文成公集卷之十五

巡按直隸監察御史籍雲後學樊獻科編次

五言律詩

旱天多雨意五首呈石末公

旱天多雨意雲日氣恒陰草木焦枯盡蛟龍伏匿深移家愁
地蹙經國恨年侵已矣商巖叟無人解作霖

旱天多雨意炎夏已清秋虛牝空蒸鬱高圓迥獨浮下田應
脯蚌深樹且鳴鳩向夕星河影稀疎恰近樓

旱天多雨意散漫起重陰漸變峰巒狀還摛錦繡文龍應恣
病喙鳥亦念將焚碧落高無極人間斗不聞

遣興

於越三年客，思家一百旬。如何今夜月，却憶鏡湖春。

歲晏

歲晏悲風急，空江白晝陰。黃蘆與紅蓼，無處不傷心。

途中見去鴈

昔與鴈同歸，今來鴈北飛。殷勤祝過鴈，來往莫相違。

漫成九首

春曉正堪睡，嫌他牕上明。無端雙楚雀，又向屋頭鳴。
明月圓復缺，春風去不來。淚隨花雨落，點點在蒼苔。
昨夜三更裏，還鄉夢却成。朦朧半驚覺，連喚小兒名。

日暮庭陰合，斜陽復照簷。不禁風絮亂，寂寞掩重簾。
病身勞應接，長日掩雙扉。燕子來何晚，春歸寒未歸。
炎赫迎新節，綈袍洗未乾。那知一夜雨，更作九秋寒。
萱草花空發，丁香子又生。浮雲無處所，孤月不須明。
淚為看花落，愁因對酒多。良辰不再得，衰莫欲如何。
望帝千年鬼，聲聲是淚流。空庭無竹樹，省得一春愁。

題墨竹

風梢舞空烟，露葉滴晴月。折取寄情人，感此歲寒節。

六言絕句

題山水小畫二首

鄂渚輕舟未發。瀟湘倦客多愁。可恨一江春水無情。日夜東流。

碧草桃源路斷。紫芝商嶺雲深。高樹月明啼鴉一聲。一度傷心。

題畫竹

葉間重露猶滴。林表寒烟未開。想見沅湘江上。月明環佩歸來。

七言絕句

題畫梅

天桃能紫杏能紅。滿面塵埃怯晚風。爭似羅浮山磻底一枝。

清冷月明中。

讀史有感

千古懷沙恨逐臣。章臺遺事最酸辛。可憐日暮高唐夢。繞盡行雲不到秦。

分賦臺

突兀高臺紫土成。人言暴客此分羸。飲泉清節今寥落。可但梁山獨擅名。

漫成

階下青苔砌上莎。春深烟雨自相和。幽蘭生在空山裏。縱有清香奈爾何。

春雨三絕句

春雨和風細細來，園林取次發枯荄。古墻芳草無生處，一滴還成一點苔。

羣麥黃花爛熳春，蒼顏皓首別離人。相看一笑渾成夢，又見汀洲老白蘋。

一雨如膏五日泥，長烟不散草萋萋。殷勤分付墻邊柳，為挽流鶯自在啼。

秋興二首

嫋嫋西風起，白蘋妖紅媚。綠看成塵九衢車，馬如流水盡是邯鄲夢裏人。

梁間燕子去悠悠，絡繹寒蟬管領秋。誰遣莊周化胡蝶，不勝憔悴為花愁。

題梧桐折枝翎毛圖

瓊柯碧葉兩參差，又是西風白露時。鳳鳥不來嘉實晚，小禽啣上最高枝。

題竹根小禽圖

竹露無聲隊碧柯，小禽相對啄秋莎。江湖鴈鷺肥梁稻，嫩綠連天雨霧多。

題畫猫

碧眼烏圓食有魚，仰看胡蝶坐階除。春風漾漾吹花影，一任

誠意傳文集
東郊鼠化駕

過閩關

天上絲綸啓玉封，歡聲雷動八州同。閩江渺渺通炎海，漆作恩波到日東。

題竹木石圖 二首

凌霜傲雪無人問，拂水捎雲意自閑。願就姮娥借明月，卧看鸞鳳舞空山。

古木樛森傍水隈，鳳凰飛去不飛回。披烟細看蒼莨葉，知是湘君淚濕來。

題蟹 二首

戩鬪犀函手鬪兵，沙堤潮落可橫行。稻根香軟蘆根美，未覺江山酒興生。
擁劔橫行氣象豪，渾疑鱗素是波濤。能令吻角流饒沫，莫向窓前吃老饕。

題枯木圖

幹排風雨三千尺，根老冰泉八百年。不用江頭喚元緒，何妨湖上識神仙。

題陳太初畫扇

炎天玉燦水銀流，琴上薰風可解憂。不負吾皇麟趾意，只今誰是富民侯。

姦雄盜竊幸傾危，只道冥冥便可欺。想得民心思漢日，正當
楊子劇秦時。

遺興

半炷清香一卷書，此身安處是吾廬。綠槐翠栢宜長日，門外
何須長者車。

題明皇幸蜀圖

斜陽慘淡照霜旗，石棧縈紆僕馬羸。想得林間子規鳥，斷崖
青壁亦相隨。

裂帛聲中發禍機，白華歌斷草萋萋。可憐蜀道三軍恨，不記

他年武惠妃。

題柯敬仲墨竹

蒼龍倒掛不入地，回首却攀雲上天。夜深雲散明月出，化作
脩篁舞翠烟。

移梅亭

貫石稍雲一樹梅，誰教移向畫堂栽。月涼夜色清如水，其那
樓頭玉笛哀。

題趙仲穆畫眉圖

有美清揚婉且閑，橫雲吐月鬪彎環。平生不識張京兆，却對
粧臺寫遠山。

含箏如管細相和、語困春風意更多、驚起佳人應有恨、雙蛾
感損不成歌

題畫山水

澹澹輕烟暮半林、涓涓飛瀑瀉遙岑、偶然坐石觀流水、不記
還山路淺深

題石末元帥扇上有陳太初畫松

老松根幹如鐵石、般匠不知空谷深、永夜高風吹萬竅、商聲
滿地作龍吟

題渭橋圖

百戰平城憤未銷、武皇赫怒屬天驕、可憐陵樹秋風後、貂帽

駝裘拜渭橋

皆春亭

草色青青日色黃、暖烟烘露百花香、曉窓夢入桃園去、驚覺
啼鴛在綠楊

題小景

江頭日日起西風、江樹驚寒葉變紅、天澹雲低何處雁、一行
飛下荻花中

題梅花小禽圖

三鳥翩翩海上来、一雙飛去入瑤臺、可憐鍛羽空山裏、獨立
寒枝怨野梅

題湖山烟雨圖

湖上青山烟雨寒，湖中一棹欲歸難。
白蘋自老東風裏，腸斷黃昏獨倚闌。

若耶溪上雨聲來，秦望山前霧不開。
欲渡鏡湖尋禹穴，蒼藤翠木斷猿哀。

次韻和王文明絕句漫興十八首

芙蓉湖上夕陽低，楊柳枝頭一鳥棲。
獨倚闌干看山色，白雲飛過若耶溪。

年華如水去堂堂，何處無愁不斷腸。
天上群僊風雨外，人間明月夜淒涼。

解印淵明柳映門，床頭酒盡卧空尊。
忽風吹破羲皇夢，閉着山雲起石根。

竹根草葉垂書帶，苔面蝸涎學篆文。
坐到博山香燼歇，不知新月出微雲。

眼見繁花开滿林，即看嫩葉綠成陰。
杜鵑啼落西山月，一夜相思萬里心。

澹澹輕風冷透衣，冥冥細雨客思歸。
若為化得遼東鶴，遠逐浮雲汗漫飛。

天邊雲氣來須女，湖上輕雷起少男。
一陣微涼疎雨過，滿池蓮蓋綠如簪。

詞意集
風翻竹籜空林響，雨絕蛛絲落蓋懸。長日掩關無客到，一眉山水對嬋娟。

江北江南幾驛亭，可憐蘊草青青。夜涼月白西湖水，坐看三台上將星。

舊將何處渺煙蘿，幾度相思夢玉珂。莫向天涯苦回首，野猿木客恣經過。

東海鯨鯢倒百川，西江波浪阻征舡。誰能散髮空山裏，學取希夷石上眠。

夢裏分明到廣寒，夢回月落斗闌干。碧桃吹盡無人覺，滿袖西風涕泗漣。

曉晴何處一黃鸝，飛上花枝款款啼。獨坐小窻歌伐木，偶然懷古憶祈奚。

釣得槎頭縮頸魚，隔牆有酒貫錢沽。近來酒價如珠玉，獨飲千錢不要扶。

樓頭新月闌弓彎，樓外青山對客閑。深夜忽然思往事，夢隨孤鶴遶雲間。

一自江淮作戰場，城池無處不金湯。轅門須識黃公略，莫與蕭娘競粉粧。

草廬不在達官車，長日惟消滿架書。睡足北窓清似水，數聲殘角起城烏。

詞意作文集 卷十七
故鄉蛇豕滿柴荆，異域風塵嘆此生。至竟迂狂成濩落，可憐
天地一浮萍。

題美人書紅葉圖

紅葉隨波豈自由，綵毫空復寫綢繆。無人解識詩中意，天上
塵間總是愁。

送鮑生之閩中

青青芳草夾長堤，漠漠輕煙送馬蹄。他日相思建溪上，棠梨
花發鷓鴣啼。

題米氏小景二首

陌上春風紫翠重，烟含汀樹淡還濃。夜來水漲溪橋斷，應是

雷霆起鰲龍

春霧昏昏雨散絲，溪流拍岸小橋危。猿啼鳥叫山鬼出，正是
行人腸斷時。

題安石蒲葵圖

東山導騎出巖阿，能使枯蒲貴綺羅。却恨卞和無祿位，中宵
抱玉淚成河。

題滄江獨釣圖

山繞滄江一釣舡，又隨斜日下長川。小魚不食大魚去，風定
遠林生白烟。

題二喬圖

江上桃花紅粉腮，偶然吹入玉堂來。東風日暮和烟雨，多少飄零委綠苔。

題小畫

夕陽山下水鱗鱗，一葉輕舟釣白蘋。謾道江湖堪浪跡，荻花風雨更愁人。

惆悵二首

紫薇花樹小樓東，日炙霞蒸似錦紅。過了春風到秋露，可堪零落碧苔中。

與君為別幾清秋，鴻雁來時輒上樓。今日倚樓無鴈過，斷腸風水隔瀛洲。

次韻和石末公見寄五絕

梗楠割截為椽杙，歲暮搜材到柞薪。悵望無因見夏后，再平水土叙彝倫。

廟略能回十萬夫，詩書卻教近來無。何由入奏明光殿，指點山河一統圖。

春滿郊原樂意融，野花庭草競纖穠。惟餘陵上青青栢，不向東風改舊容。

越溪清水淬干將，鬼魅驚啼畏夜光。不共鉛刀爭利鈍，何妨玉匣且深藏。

漢殿千門錦繡開，不堪一夜拍梁災。魯般骨朽蕭何死，腸斷



題畫菜戲呈石末公

列鼎羔羊厭膾肥，園官菜把莫嫌微。
年來騎士工隳突，此物人間亦見稀。

漢世祖

白水龍飛紹赤精，鷓鴣巢盡入太官。
羨三驅只代樊崇死，侯印應慙不義名。

涼夜

瀟瀟涼雨瀉簷瀧，聒聒鳴蛙似吠龐。
惟有露螢憐寂寞，却將光景到書牕。

五月十九日大雨

風驅急雨灑高城，雲壓輕雷殷地聲。
雨過不知龍去處，一池草色萬蛙鳴。

次韻和石末公二絕

橐裏金多嫂自迎，殼中珠滿蚌能明。
文犀亦有通靈角，天上龍鱗盡可撻。

徒聞彈鋏怨無魚，未見兼程貢蠟書。
四海城池總完壁，只今誰是藺相如。

白塔寺

物換星移事已迷，從來此地惑東西。
可憐如鏡中天月，獨照城烏夜夜啼。

題風中水仙花圖

癡妬封家十八姨，不爭好惡故相欺。
沉湘日暮波濤起，翠蕩瑤翻欲渡遲。

送醫士賈思誠還浙東二首

西風嫋嫋水鱗鱗，一曲離歌淚滿巾。
殘柳數株鷗數點，夕陽江上送歸人。

落木長亭獨客回，寒驢聊可當駑駘。
還山須種千株杏，等待仙華道士來。

絕句漫興七首

一歲三春好景光，紛紛紅紫競芬芳。
芙蓉亦有傾城色，不見

東風却拒霜

風散螢光夜未分，隔窓涼雨落紛紛。
秋衾不與還鄉夢，征雁南來獨自聞。

碧瓦涼生月欲流，露蛩楓葉共啼秋。
城烏半夜驚飛起，只為離人白盡頭。

多事池邊促織兒，聲聲哀怨旅魂知。
干戈滿地無機杼，長夜辛勤說與誰。

伐木丁丁谷響傳，槿楠樸櫟共成烟。
扶桑不是人間樹，因見滄溟變稻田。

愁極每將歌當哭，歸來不覺笑成狂。
蓬山縹緲鯨鯢外，一夕

相思九斷腸

末夜西風嫋嫋來，露華如玉委蒼苔。碧鷄啼落山頭月，腸斷槐根夢不回。

憶昔二首

憶昔上林花發時，黃蜂撩亂蝶參差。如今花落枯枝在，付與秋虫掛網絲。

憶昔揚州看月華，滿城絃管滿人家。可憐今夜中秋月，獨照寒蛩泣細沙。

呼燈

尋暑蒸人百體柔，中宵揮汗想清秋。西風一夜吹庭樹，驚起

呼燈問敝裘。

磨石岡作

磨石岡頭雲濕衣，謝公墩上雨雨非。西風忽捲殘陽出，臨水登山忘却歸。

夜坐二首

露泣寒螿言斷魂，風驚簷鐸語黃昏。羈愁悄悄成危坐，看盡空牆上月痕。

蟲響莓苔葉響廊，月光如雪露如霜。銅壺管領催華髮，一夜應添百刻長。

送別

送別江頭日欲沉
落潮風急鳥歸林
秋雲恰似人情薄
秋水還同客恨深

無寐

夜長無寐待鳴雞
及至雞鳴夢却迷
驚起朝陽斜照屋
一眉殘月在天西

棲鳥

歸鴈將秋入楚天
薄雲開月伴愁眠
露寒葉動棲鳥起
一斗千聲落枕邊

義和

斷梗枯莖付野蒿
冷風涼雨剝征袍
義和只在嶠夷宿
自是

金烏未發毛

紈扇

樹頭風露咽玄蟬
錦褥新張竹簟捐
紈扇團團霜雪色
好藏篋笥待明年

漫成二首

沉水香銷金博山
月滿樓臺深夜寒
瑤琴弦絕不可彈
葉落烏啼尋夢難

江水如天月如水
落葉蕭蕭夜風起
一寸愁心千萬里
不見行人應未已

詠史

六雄糜沸擾天綱天下敷敷望禹湯多事秦皇能一統却教
人憶楚懷王

天與聰明作大君應天在實豈虛文重瞳若解行仁義不枉
芒碭五色雲

有感

七首

物換星移事已迷重来舊處惑東西可憐如鏡天邊月獨照
樓烏半夜啼

焚書千古訝嬴秦迹難茫茫走縉紳尚憶商山近京洛白頭
容得採芝人

甲楯孤棲死不疑那將宗社換西施想應嘗膽秋風夜恰似

無忘攜李時

鴻鴈來時月滿天客途僮僕自相憐荒村觸眼惟茅屋榆柳
蕭疎起暮煙

黍穗高低菊有華屋居恰似野人家夕陽日向西墻過只為
微生換鬢華

魚鹽充牣稻梁肥誰寤繁華是禍機日暮無人言亡國寒雅
猶帶夕陽飛

漫漫陽春不見秋人生得意總忘愁策策莫謝盡芙蓉發清夜
吹笙月滿樓

送金華何生還鄉觀省

五首

金華山色翠亭亭曾駐仙人白玉軒
羨汝結廬松柏裏卧看鸞鶴下青冥

尚想高人何北山談經論道此山間
故家文物依然在似汝須歸玉筍班

漫漫東風吹綠蘂行人江上發歸軒
想應今夜春山月華髮蕭蕭正倚門

樓外桃花紅錦披當花把酒映花枝
慈親飲酒看兒咲記摘桃花洗面時

送兒出去望兒歸看盡雛鴉弄夕暉
清曉開門兒却到蠨蛸飛上老萊衣

春日雜興 八首

采石磯頭春水平長干橋下暮潮生
誰能載酒尋芳草楊柳堤邊信馬行

過雨柔柔綵綬新涵風細麥碧波勻
鳴鳩語燕聲相應又是人間一度春

春霧宜宜木葉稠蒼鷹拂羽化為鳩
莫將松桂夸桃李柱下先生早白頭

日自西馳水自東落花飛紫總隨風
舊巢燕子今何處烟雨庭臺似夢中

花競嬌嬌草競芳縱橫只是為春忙
夭桃穠李先飄落不及

蓄薇與海棠

細雨冥冥晝掩扉更無芳草有垣衣人生一世邯鄲夢老病無眠夢亦稀

兩隱滄江霧隱山鄉關迢遞寄書難病來只盼春風到不換春風曉更寒

日出江空曉氣柔白蘋風起渚烟收夜來一餉三更雨送盡飛花入海流

題陳大初畫扇

三絕

一道滄江隔戰塵白蘋風起浪鱗鱗新亭滿眼神州決未識中流擊楫人

泛湖浮海兩如何滿地悲風起白波爭似乘槎隨博望玉繩光裏看山河

水淨沙明一葉舡釣絲牽月過長川五湖何地宜生理我欲從之問計然

七月七日

百年佳會幾今宵脉脉相看一水遙漫道天孫解專巧却教鳥鵲為成橋

夜泊桐江驛

伯夷清節太公功出處非邪豈必同不是雲臺與帝業桐江無用一絲風

即景二首

江城五月冷脩脩細雨微風拂面愁汀蓼不知猶是夏競開
丹粟滿枝頭

薄寒輕雨細如絲風滿長川棹去遲漠漠野田將暝色纖纖
汀草欲青時

御柳二首

御柳青青陰綠池迎春擢秀不違時 皇恩天地同生育雨
露無私爾最知

漫漫春風入舜韶綠楊舒葉乳鶯調 君王不為娛聲色無
用辛勤學舞腰

茗溪皇甫秀才幽居二首

玄晏先生一草廬萬竿脩竹五車書日高無客來驚夢自謂
公侯總不如

天目山前茗水流野華啼鳥自春秋滄浪清濁吾何預坐聽
松風咲許由

遣興

萋萋芳草掩重門幾樹斜陽照斷魂坐愛微風起蘋末月明
簷鐸語黃昏

梅花七絕句

風林凋盡碧琅玕的皪梅花好自看霜白月明殘雪夜一枝

謝靈運文集 卷五 二十七

危拂斗杓寒
群山積雪慘晴曦石裂玄氷萬木披不是孤芳貞不撓陽和
争得上枯枝

紫府仙人萼綠華暫拋瓊苑到天涯斷魂應化為胡蝶夜夜
歸來阿母家

稀疎寒玉小樓東骨冷魂清五夜風惟有翠禽憐寂寞一雙
相倚月明中

蓋宮仙子魏雲鬟姑射神人薄鍊顏借問高標誰得似白頭
蘇武在天山

瓊跗玉葉兩依依搖落空山物色微青女不知幽獨意忍寒

猶自妬芳菲

微陽釋綠未能還四海昆蟲總閉關只有梅花見天意先將
春色到人間

雪中三首

竈下孤烟斝曉炊簷前寒鳥啄枯籬瓊瑤滿地無行跡正是
袁安獨卧時

一夜雪深一尺餘平明鳥雀噪堦除移床漫向明牕下圖得
清光好照書

漠漠隨風結遠埃輕輕糝地集枯荻春前有意呈三白知是
陽和次第來

雪後遣興

朝寒布穀應時鳴起向回廊獨自行殘雪未消簷影寂滿庭
幽草看春生

絕句二首立春夜聞蛙鳴作

鬼門竹管動輕灰春色先從地底來月落江城聞畫角五更
殘夢一時回

輕輕細雪點枯池嫋嫋東風拂樹枝春到草根人未覺夜來
先有蟄蛙知

絕句九首

異鄉風景不知春滿地蒼苔一病身睡起無人問幽獨杜鵑

聲在綠楊津

花自飄零草自榮何須惆悵獨關情高軒日未成危坐隔水
風來聞鏃聲

雨餘烟柳約青絲風過芹塘澹碧漪正是愁來無着處綠陰
庭館暮寒時

一樹穠華半夜風平明枝上十分空黃蜂紫蝶紛紛去留得
蒼苔藉碎紅

槐葉陰陰覆短墻微風細雨麥秋涼如何一歲三春景不及
閑窓午夢長

淮水東邊舊六朝瓊樓翠館白雲銷于今只有垂楊柳猶似

當時舞細腰

花落江臯宿雨晴野烟消盡見蕪城鳳簫一去無回日不及
年年綠草生

天塹長江似海深江頭山鬼笑埋金東家釀酒西家醉世上
英雄各有心

暖風吹帳日光遲恰似清和四月時黃鳥不知人嬾起未明
啼上綠楊枝

半山寺二首

王家廢寺舊聞名荆棘花開鳥自鳴深夜狐狸穿破塚佛燈
爭似鬼燈明

奸邪变法事多端氣燄興妖膽自寒漫道諂諛堪媚佛竟將
佛作麼人看

絕句漫興十一首

風光何故惱閑人我欲乘槎一問津滿地綠陰迷斷夢五更
啼鳥不勝春

免葵燕麥舊人家曾唱南朝玉樹花寒暑又隨風日轉東陵
誰種邵平瓜

莫道花開便是春莫言沙漲即成津南風過了東風起愁殺
江頭待渡人

新鷲枝上語如絲似與羈魂話所思不用登樓看草色白蘋

香散已多時

相思舉目萬重雲燕去鴻來杳不聞漫說黃金能得士只今
誰是望諸君

五湖風雨夜垂綸一葉扁舟一粟身至竟雲濤歸大壑烟波
還屬釣魚人

病客無錢試藥方出門聊復信行裁爭知頭上蕭蕭髮却與
遊絲較短長

池面新荷貼小錢荷心點點露珠圓開花結子應堪待乱荇
空萍正可憐

娟娟江風轉白蘋輕花乱盡看成塵誰能藝取生犀角采石

磯頭照水神

日落群山返照餘槐陰夢覺夕陽初夜閑不畏更籌短收取
流螢映讀書

白鷺洲邊白鷺鷺一隻相對立襤褸日斜隔水分明見不分
人間有別離

漫成三首

八駿茫茫去不回白雲歌曲使人哀鯨魚風起鯨鯢湧青鳥
何由海上來

瞿塘怒水激天風回首童顏變老翁落日長年鳴櫓過白鷗
飛出浪花中

微涼生袂一登樓落照歸雅點點愁誰似孤雲獨無事隨風
直到海西頭

不雨遣悶二首

朝霞不作黃昏雨
暝靄徒為白晝風
日上高林啼布穀
聲聲只在短墻東

池上芹泥即漸乾
梁間燕子拾蟲難
綠窓無限傷春意
看盡斜陽更倚闌

雨餘

枯池得雨鬧群蛙
蜃蜃含漿總有家
為愛微涼宜曉夢
不知晴日滿庭沙

無題絕句二首

花自飄零水自流
無情有恨月如鉤
十年一枕三更夢
贏得風烟滿地愁

後夜蛾眉約淺黃
河邊猶翳玉繩光
不知何處藤蘿上
全見姮娥一面粧

春蠶

可嘆春蠶獨苦辛
為誰成繭却焚身
不如無用蜘蛛網
網盡蜚虫不畏人

晚興

腐草餘光滅又明
微風不起夕涼生
絕憐一鉤池塘雨
只得

詩意何文集
卷十七
二十五
廿

青蛙半夜聲

睡起

濃綠當軒日上
遲病身只與睡相宜
覺來却恹在
周蝶繞盡
殘枝過別枝

喜雨寄夏允中五絕

好雨知時五月零
豆苗瓜蔓一時青
老夫亦起中庭立
兩眼看天似醉醒

隱隱輕雷不起風
濛濛密雨遍長空
枯根發秀新莖長
小草那知造化功

渙汗如蒸被體流
日高強起倦梳頭
多情一夜千山雨
消盡

人間萬斛愁

水鶴長嗥應九陵
山雲處處上如蒸
定知谷鮒從今後
不向西江乞斗升

江暗天低雨脚垂
屋鳴簷瀉入枯池
却憐似鏡新荷葉
不見魚跳鷺浴時

無題

槐映高樓柳映墀
風來唯有鵲先知
長應別殿黃昏後
記得金宮妬寵時

將曉

月落惺餘白練光
滿天清露結為霜
東風可是無情思
吹出

新楊一樹黃

江行雜詩九首

采石江頭山插天江泉激石鳴湘絃十年戰血污江水水中鬼神應醉眠

三生磯上星滿灘白烟如雪浮林端水妃夜解玉佩去清淚滴成紅木難

馬當之山中江中其下乃是馮夷宮良宵月出江水底行人喜甚天無風

九龍山西西日沉江雲壓地生層陰汀洲無人蘆葉響咆虎一聲風滿林

皖口孤城江水傍城上猶有愁雲黃豺狼鬪相食忠魂白日長垂光

桑落洲邊春草生宜城九醞空傳名百年世事同醉夢愁聽野猿啼到明

江盤峽束雷彭浪孤山如筆江中央坤靈不放厚地裂應有潮汐通扶桑

長江水濁湖水清石鍾濤擊鯨魚鳴山頭出雲山下雨揚瀾左蠡何時平

江州太守文儒宗罵賊就死真從容天翻地覆元氣在斯人萬古其猶龍

鍾山作十二首

紫桂吹香媚小山月華的皪滿林間坐來涼氣生虛室知是
山雲作雨還

松露滴塔星在天草虫相吊響如絃寶公塔上西風急半夜
林鴉不得眠

九月江南葉未黃空山松柏夜深涼玄蟬且莫催徂景留取
幽蘭作晚香

玄武湖中草自秋石頭城下水長流繁華過眼成今古更與
牛羊競一丘

春去秋來榮復衰花殘葉落總堪悲誰能句曲山中去乞取

茅君一馬騎

北斗闌干夜未央鐘殘虛牖出天香佛燈相對坐宵寂墜露
滿林生白光

一炷清香一卷經世間無事是山僧何須更卓飛空錫長使
時人恨不能

月落山空霧未開風生咆虎響如雷樹頭鷲鵲相呼起欲下
還飛一百迴

白鶴蕭蕭柿葉紅野花開盡六王宮空餘一道秦淮水著意
西流竟向東

策杖登山信早涼山花澗草總能香捫蘿抱水歸來倦不掃

詩意何文集 卷七 二十九
元

蒼苔卧石床

嫋嫋西風散白蘋
冥冥落日起黃塵
青娥不分秋容寂
故染楓林似老人

槁葉含風彈夜絃
蟋蟀淒啾峇寒蟬
鷄鳴埭上繁華子
莫向秋霜惜盛年

有感

浪動江淮戰血紅
羽書應不達宸聰
紫薇門下逢宣使
新向湖州召畫工

題畫魚二首

為愛濠梁樂有餘
故拈兗穎寫成圖
秋風忽憶銀絲鱸
腸斷

松江隔具區

九戩無人詠鱒魴
河墻有客歎耕羊
不知生意能多少
爭得鯢鮪滿尺長

無題三首

一片浮雲萬里心
海波無底未為深
虞淵險迫羲和疾
空使傍人詫鄧林

玉樹沉沉結夜愁
金陵蔓草沒荒丘
誰言錦纜江都去
不見金陵蔓草秋

黃鵠高飛雲路遐
野鳥謀食但泥沙
山中樗櫟年年在
看盡西風木槿花

題墨菊

粲粲金英美可餐
九秋風露與清寒
墨君莫妬天然色
終遣靈均怨子蘭

題沙溪驛

澗水弯弯繞郡城
老蟬鳴作車輪聲
西風吹客上馬去
夕陽滿川紅葉明

過閩關九首

關頭霧露白濛濛
關下斜陽照樹紅
過了秋風渾未覺
滿山秔稻八閩中

峻嶺如弓驛路賒
清溪一帶抱山斜
高秋八月崇安道
時見

崇梨三兩花

建溪激箭向南流
石齒如鋒鬪客舟
篙子踏歌渾不畏
行人遙望替生愁

驛路高低度嶺關
兜離人語雜夷蠻
江花巧似駝茸白
山果渾如碼碯般

飯浙香瓊酒飲霞
驛亭到處只如家
征夫但恐咨詢闕
莫向天涯怨路賒

漠漠輕雲結晚陰
依依斜日掛遙岑
炊烟忽起衆榆上
散作鮫綃抹半林

道上黃埃撲馬鞍
汗流如水透中單
忽驚疎雨林梢過
急換

羅衣更怯寒

劍水悠悠南去深黃茅苦竹自成林日烘溪霧生秋瘴風攪山霏作晝陰

嶺上高秋生火雲狂雷送雨忽紛紛鷓鴣更叫空山裏縱是無愁亦厭聞

題畫紅梅

水晶宮裏玉真妃宴罷瑤臺步月歸行到赤城天未曉冷霞飛上綠銖末

題扇向牡丹花

沉香亭畔月華流掌上孤鸞鏡裏愁舞罷春風却回首六宮

紅粉總包羞

題扇面荷花

玉井芙蓉紅粉腮何人移向月中栽高軒忽漫看圖畫疑是昭陽曉鏡開

秋日即事十五首

秋風吹雨冷脩脩
階下金錢爛漫愁
鴻雁不來巢燕去
草蟲辛苦獨知秋

楊柳新栽半出籬
夜深鳥鵲自驚枝
露涼月淡空煙暝
啼到金鷄報曉時

九月東風露不寒
蟋蟀相慶語簷端
野人便擬開荒徑
剩種

詞意伯文集
卷七
十一
何
忘憂與合歡

搖落江臯草滿煙秋光何處不堪憐夜涼銀漢低城闕卧聽
蛩聲似筦絃

春華秋草兩悠悠素髮多情却滿頭落葉自隨流水去遠山
空帶夕陽愁

垂垂密雨鞦韆揚點點青苔繪短墻不是鴈聲天畔過爭知
今日是重陽

秋氣蕭條宋玉悲西風唯有鴈相宜秦淮岸上青青草想見
繁霜未落時

寒星無數月如鈞槁葉呼風入敝裘人世可憐唯有老鏡中

憔悴夢中愁

掛壁青缸照不眠相看到此亦堪憐露寒霜重殘螢盡腸斷
秋風憶往年

病眼昏昏四顧迷獨行渾似雪中鷄花開葉落真成夢愁聽
門前過馬蹄

槿華數樹夕陽時收拾秋光在短籬自紫自紅還自碧祇應
獨有暮蟬知

滿天星月一庭煙坐掩衡門思悄然漫想明珠成薏苡却嫌
黃菊似金錢

疎雨鳴簷月在雲馬蹄初歇夜將分鴈行却向城頭過何處

砧聲隱隱聞

江上秋高暑未歸，照書猶有數螢飛。
東風可是憐游子，不遣看天憶授衣。

北風吹鴈過蕭蕭，旅館青燈共寂寥。
蓬髮一時成白雪，老來禁得幾秋宵。

題水墨海棠鸚鵡

隴山鸚鵡白霓衣，欲語誰聽只自知。
漫漫東風吹不起，海棠花上立多時。

太師誠意伯劉文成公集卷之十七終

太師誠意伯劉文成公集卷之十八

巡按直隸監察御史縉雲後學樊獻科編次

詩餘

河傳 江上作

江上風過水生紋，煙裏斜陽半曛。
雨聲不堪客耳聞，紛紛夢魂迷斷雲。
夢斷天涯歸路杳，天欲曉殘月窺牕。
小木蘭舟蘆葦秋汀洲，藕花相伴愁。

滿庭芳 詠荷花

楊柳煙銷梨花雲散，瑤臺別是風光。
翠霞深處誰舞白霓裳，三十六宮向曉。
鳳綃擁紅粉成行，珠簾外風翻瑞葆。
驚起紫

鴛鴦 含情空悵望 衾寒鄂渚 佩冷瀟湘 怨凌波塵襪不度
銀潢 只恐青娥嬌妬 相將芡蒂白 芹黃 淒涼也 一天墜露明
月在池塘

玲瓏四犯

台州作

白露點珠明 河生浪 秋光看又一半 翠衾知夜永 清夢冷孤
館 南樓數聲過雁 西池桂花零亂 歲序如何 江山若此 贏得
鬢霜滿 傷心謾回愁眼 見蛩吟蔓草 螢度荒曠 淚隨黃葉
下 事逐浮雲散 滄波袞袞東流去 問誰是登樓王粲 菊綻籬
邊 賦歸來 恐晚

江神子

霏霏輕雨弄秋光 野煙蒼 晚風揚 征雁將愁分付 與寒蟬
外 聲聲啼到曉 人不寐 夜何長 滄江波浪去茫茫 莫思量
使心傷 籬外黃花 只作舊時香 歌罷歸來深對酒 今古事 總
淒涼

浪淘沙

秋感

江上晚來風 煙藹濛濛 白蘋吹盡到丹楓 流水落霞衰草外
離恨無窮 極目楚雲東 愁見歸鴻 拒霜相倚夕陽中 露重
月寒 芳意歇 知爲誰紅

浪淘沙

感事

天際草離離 鴻鴈南歸 冷煙凝恨鎖斜暉 胡蝶不知身是夢

飛上寒枝 惆悵倚闌時總是傷悲絕憐紅葉似芳菲清露
自凋楓自落沒個人知

淡黃柳 台城秋夜

江城夜寂何處吹羌笛城上月高風淅淅翻動林梢敗葉一
片琅玕下空碧 倦遊客鄉關暮雲隔回首盼歸翼想柴
門流水依然在白髮參軍青衫司馬休向天涯淚滴

調笑令四首

秋雨秋雨窗外白楊自語夢回月在空廊燈影朦朧夜涼涼
夜涼夜露冷芙蓉花謝

沙燕沙燕別去幾時重見汀洲芳草纖纖細雨微風捲簾簾

捲簾捲人與碧梧俱晚

白露白露點我庭前芳樹樹中有箇棲鴉啼到銀蟾影斜斜
影斜影照見羅幃夢冷

紅樹紅樹粧點天涯秋暮淡烟衰草黃昏露冷啼蛩斷魂魂
斷魂斷明日玉臺霜滿

菩薩蠻 越城晚眺

西風吹散雲頭雨斜陽却照天邊樹樹色蕩湖波波光豔綺
羅 征鴻何處起點點殘燉裏月上海門山山河莽蒼間

漁家傲

江上秋來惟有雨江城九月猶炎暑泉湧中庭苔上柱深閉

詩意仙文集
卷十一
戶莎雞露泣寒蟿語 征戍誅求空軸杼千村萬落無砧杵
玉帳悠悠閑白羽愁正聚亂鴉啼破樓頭鼓

小重山

城上高樓接海澗疎林藏不盡欲棲鴉回廊曲檻別人家征
鴻外風冷夕陽斜 燈暗鼓三撾望中煙隱樹月籠莎白雲
如夢繞天涯梧桐雨和淚滴寒沙

虞美人

有感

秋來日日煙含雨不肯收殘暑小桃錯認是春回盡把枝頭
紅綠向人開 白雲流水青山遠門掩蒼苔晚草間蜂蝶未
須忙後夜雲英和月結成霜

喜遷鶯

殘夜

畫角斷篆香清斜月淡疎檣露寒霜冷鵲頻驚歸夢不曾成
湖上數聲沙鳥河漢漸低木杪起看北斗待天明雲白日

華生

水龍吟

次韻和陳均從吹簫曲

秦臺人去無踪空餘綠樹連天表瑤京路遠緱山夜未離愁
縈繞露咽玄蟬霜棲白鶴月寒煙裊想孤鸞舞罷碧桃花盡
長是怨多歡少 夢裏輶車過處見蒼梧九峯青小脩篁染
淚滄江流恨年年不了廣莫風悲昭華玉冷聲沉雲杪又扶
桑日上靡萍光散蓬池春曉

水龍吟

雞鳴風雨瀟瀟側身天地無劉表啼鴉迸淚落花飄恨斷魂
 飛繞月暗雲霄星沉煙水角聲清裊問登樓王粲鏡中白髮
 今宵又添多少 極目鄉關何處渺青山髻螺低小幾回好
 夢隨風歸去被渠遮了寶瑟絃僵玉笙簧冷冥鴻天杪但侵
 階莎草滿庭綠樹不知昏曉

浣溪沙

處州葉叔安溪南草堂

細草垂楊村巷幽白沙素石引溪流青苔磯上有扁舟 門
 外好山開畫盡屋頭新月學簾鉤窓風一榻似清秋

長相思

晚興

晚風清晚雲輕雨意將成又不成斷轂天際明 舊恨盈新
 恨生立到樓頭河漢傾無人知此情

踏莎行

瓶水知秋池荷怨晚有人樓上吹清管月明夜寂却堪聽可
 憐剛被風驚斷 楚澤吟悲槐根夢短江山處處傷愁眼欲
 憑青鳥寄殷勤波濤無地蓬萊遠

江神子

西風吹樹簟涼初露如珠月如梳鴻雁無情不帶半行書謾
 倚闌干成小立人老也倩誰扶 中庭梧葉待霜疎有棲鳥
 夜相呼門外一池寒水落芙蓉為問闌愁還幾許多似草不

勝鈿

青杏兒

獨自倚闌干西風起玉宇清寒夜深月轉長河曲踈螢度竹
啼螢依草涼露溥溥莫把素琴彈冰弦上商冷宮殘萬牛
不挽東流水悠悠碧落茫茫雲海疊疊憂端

摸魚兒

傷春

問春光尚餘幾許傷心前夜風雨天桃豔杏都吹盡蘭蓀變
成荒楚春欲去但渺渺青煙白水迷津渚多情杜宇有恨血
滋宵哀音破曉千叫一延佇蓬萊路還是鯨濤間阻神仙
縹緲何處瓊樓玉殿深留景不見下方塵土誰最苦暝色滯

雙飛燕子歸無主那堪訴與又暗壁殘燈重門轉漏嗚咽夢
中語

虞美人

桃花半折臙脂蓋鶯語東風裏坐來簷日轉墻陰時見黃蜂
帶粉出花心長煙不散萋萋草人與春俱老知人老去願
春遲無奈滿庭風絮促春歸

沁園春

白芷生香綠萍抽葉還是清明有殘絲絆雨危芳怯露梨雲
困蝶絮雪迷鶯髮短心長時殊事異覩物如何不動情愁來
也怕東風無賴鷓鴣先鳴莫思身外虛名綿綿荒田草樹

平任龍蛇歌怨桑榆煙盡山枯石死畢竟何成富貴浮雲窮
通定命守分安常百慮輕和誰說又鴉棲高柳月照層城

惜分飛

蝶醉蜂迷鶯不語門掩一庭花雨春事無多許野雲江樹誰
爲主縱有垂陽千萬縷難縮教春莫去愁到傷心處數聲
杜宇青山暮

沁園春

和鄭德章暮春感懷呈石末元帥

萬里封侯八珍鼎食何如故鄉柰狐狸夜嘯腥風滿地蛟螭
晝舞平陸成江中澤號鴻苞荆集鵠輒盡平生鐵石腸凭闌
看但雲霓明滅煙草蒼茫不須踽踽涼涼蓋世功名百戰

場笑楊雄寂寞劉伶沈酒穠生縱誕賀老清狂江左夷吾關
中宰相濟弱扶傾計甚長桑榆外有輕陰乍起未是斜陽

憶秦娥

次石末公韻

陽春月蜂喧蝶競芳菲節芳菲節風狂雨橫魂消心折鳳
凰臺上簫聲絕長洲苑裏光陰別有人愁歎淚珠成血

驀山溪

晚春

清明過了簾幙餘寒淺芳樹不勝風任流水飄紅去遠煙昏
雨暝天觀海雲低鷺意懶蝶魂銷花盡成秋苑遊絲落絮
特地相縈絆無計網春暉漫贏得遮人望眼登高凝睇欲寄
一封書鴻路阻豹關深日暮空腸斷

憶秦娥

春雨歇庭花撩亂飄紅雪
飄紅雪一川芳草數聲鶗鴂
長煙渺渺青冥闊
江湖波浪行人絕
行人絕雲山迢遞
夢魂飛越

念奴嬌

詠蛙

池塘過雨有許多蛙
龜爲誰彊聒乍寂還喧
如聚訟觀縷宮商
爭發嘔啞蠻歌
兜離鞦唱頰齒相敲
齧可人幽夢驚回
天水空闊最好白石
清泉被渠翻倒作蹄
涔丘垤蚯蚓蝼蛄
無智識相趁草根
嘈噴坐井持願當車
怒目幾欲吞明月子
陽安在至今莫辨優劣

八聲甘州

詠蛙

問青蛙有底不平鳴
真个爲公私向汚沉
曳足蹄涔接腋缺
甃持願斷續儀同歌
吹羨沸綠萍池鐘鼓
難成響而沉墳篋
曾記江湖煙雨被枕
邊謹噪刺耳如錐
擁輕衾孤坐愁到曉
雞時道巴後聲聲是
淚細看來不似此聲
悲應知得灑灰著
令千載無疑

倦尋芳慢

詠雨

翠霞映日柱礎生雲
衣袂先冷石燕飛時
天與亂山俱暝
稍見如絲隨風細
漸看密灑滄江迥
倚闌干恁昏昏
過了清和光景
小樓外榴花間竹
可恨紅英飄墜
苔徑霧罩陽臺悽

詞意何文集 卷十八
惻夢魂難醒階下決明憂爛死草根得意惟蛙黽正蕭條又
沉沉戍鼓夜凉人靜

渡江雲

初夏即景

麥秋晨氣潤嫩凉院落細雨乍晴時定巢新燕子睡起雕梁
對立整烏衣庭空晝寂但盡日簾幙低垂歸去來不堪重賦
兩鬢漫成絲 傷悲斜陽難繫逝水無回想佳期應未愁正
濃如何消遣惟有心知瑤琴調苦弦先絕任冷落玉軫金徽
凝望處啼鴉飛上高枝

阮郎歸

曉寒楊柳綠如濡園林新雨餘紫苔成暈上階除日高庭院

虛官况懶世情踈斷腸芳歲徂暮雲不見北飛魚路遙難
寄書

蘇幕遮

次韻和劉宗保

日斜時山盡處綠水朱霞隱映雲間樹鴻鵠冥冥烏鵲暮海
闊天高翼短迷征路 路多岐情沒緒想極生悲欲語難成
句忽憶登樓懷土賦愁着心頭淚落如零雨

八六子

晚思

到黃昏悄無情緒淒涼又掩重門盼草際殘陽易盡雲中征
鴈難憑漫勞夢魂 淵明三徑猶存白鶴不歸華表烏鴉自
滿荒村念過眼芳菲總埋泥土縱然回首可堪疑睇傷心處

處蓬蒿廢井時時煙雨啼
後更何言蒼苔漸深淚痕

攤破浣溪沙

次劉宗保韻

燕子巢成倦不飛
綠陰鳴蜚靜頻嘶
拄杖獨穿芳草徑
立多時
池面紫錢荷
點點枝頭青
彈杏離離更愛葵花紅
粉豔似崔徽

江神子

同前

沅湘煙雨夏生寒
怕江干有離魂
蕙圃蘅蘭蕪穢有誰看
愁絕洞庭雙帝子
風颯颯珊珊
鈞天虎豹守重關
隔人間
寄音難腸斷春光正美
却凋殘聞說桃源
今不見何處好把
漁竿

燭影搖紅

重五

筠粉初銷海榴花外
絲絲雨青槐綠柳
又新蟬淒咽黃鸝語
煙草蒼茫何處想
當年三閭故楚蕙蘭
蕭艾蘼蕪蓬蒿菰
蕪無數
細葛香羅有人未
袂隨風舉游梟不
作太官羹玉燕
空雕虎未畫庭陰
自午一時間愁情
萬緒寸腸柔脆未
了傷今那堪懷古

生查子

槐雲驪墜鬢柳露
酣啼眼深院有佳
人坐惜芳菲晚素
手理瑤琴曲罷空
長歎佇立望青霄
愁永青霄短

長相思

誠意伯文集 卷十八
山悠悠水悠悠水遠山長處處愁那堪獨倚樓
憶歸休怎
歸休細雨微風冷似秋綠陰啼栗留

驀山溪

詠螢

晚晴池館月淡煙籠水草際却嬉微漸游揚隨風四起拂雲
穿霧搖亂玉繩光高又下滅還明點綴林梢葉 漢宮遙夜
鐙影深羅綺莫近繡簾飛滿階苔無人有淚蓬牕淒冷留取
照韋編天祿閣校書時藜杖清暉似

滿江紅

次韻和石未元帥

華表孤雲還應是當初相識回望處煙塵滿地燕鴻南北過
眼浮榮胡蝶夢縈身薄宦猩猩屐笑村童不認主人翁呼爲

客 鯨鯢起滄溟拆藩籬外生仇敵悵高門廣廈鹿場麋跡
大澤猶纏蛇豕氣陽烏未放乾坤白細看來還自有青山長
如昔

阮郎歸

題畫扇

白蘋風起夕陽微小舟衝浪歸江潮却落釣魚磯天寒紅葉
飛 彭澤菊首陽薇不知今是非山林朝市事相違紫芝疆
肉肥

怨王孫

漏悄人靜星稀雲淡煙柳成眠露蓮半頷何處月色飛來滿
樓臺 微風入袂仍吹領愁都醒好个清涼境紅塵自迥河

漢應有仙槎待還家

鷓鴣天

題梅花圖

玉骨冰肌萼綠華
騎龍飛下太清家
衣飄碧落星芒動
珮拂玄冥月影斜
江水闊嶺雲奢
香魂散作歲寒葩
畫圖驚見春風面
陡覺精神冷不邪

醉花陰

夏日

溽暑炊人肌骨軟
夢繞南柯遠
驚起却依然
碧樹連天風雨
溪山晚
人閑已自成疎懶
事往誰能挽
去去紫芝翁
白石清泉日夜青苔滿

滿庭芳

二月十一日壽石木公

嶽氣鍾嵩星精降
昂五雲光映麟書
綠明紅媚風暖日長初
金翻斜開洞府群仙擁
翠佩瓊裾收拾盡
乾坤清淑爲瑞在
扶輿
文韜兼武畧
南陽諸葛東海穰苴
有貌虎龍蛇深護
儲胥制勝不妨談
笑鶯聲裏旗影徐徐行
看取非熊應兆沙路輾高車

醉花陰

樓外斜陽低半樹
雖好難留住
樹裏有鳴蟬似訴
中情哽咽
風前語
碧雲不見蓬萊路
青鳥今何處
莫更倚闌干
愁上心頭無計推他去

如夢令

題畫

草際斜陽紅委林表晴嵐綠靡何許一漁舟搖動半江秋水
風起風起擢入白蘋花裏

南鄉子

八詠樓作

鳴雨過庭除病骨峻嶒不自扶強倚闌干成小立蕭疎立困
依然作宰予 驚覺失華胥樓外青山落照餘誰似莊周能
化蝶蘧蘧心上閑愁一點無

踏莎行

冷雨籠晨淒風催晚杜鵑哀怨黃鶯懶蛛絲柳絮總輕狂可
憐春去無人管 碧草連天青山遮眼側身四望腸千斷愁
如溪水暫時平雨聲一夜依然滿

摸魚兒

金陵秋夜

正淒涼月明孤館那堪征鴈嘹唳不知衰髮能多少還共柳
絲同曉朱戶閉有瑟瑟蕭蕭落葉鳴莎砌斷魂不繫又何必
殷勤啼螿絡繹相伴夜迢遞 樵漁事天也和人較計虛名
枉誤身世流年哀哀長江逝回首碧雲無際空引睇但滿眼
芙蓉黃菊傷心麗風吹露洗寂寞舊南朝憑闌懷古零淚在
衣袂

點絳脣

雲淡秋霄夜寒月過軒窓罔雁聲相應人語長廊靜欲寄離
情夢短天涯永休臨鏡舞鸞孤影怕見菱花冷

眼兒媚

烟草萋萋小樓西雲壓鴈聲低兩行疎柳一絲殘照數點鴉
棲春山碧樹秋重綠人在武陵溪無情明月有情歸夢同
到幽閨

更漏子

詠雁

塞門雲湘浦樹畢竟故鄉何處楓葉渚蓼花磯水深增繳稀
蓬萊闕扶桑島極目茫茫烟草蘆荻老稻梁空月明江上
風

怨王孫

翠被夜冷碧梧風勁蛩語將闌鴉棲不定開戶月在枝頭恰

如鉤

煙波縹緲瑤臺路人何處黃葉連天雨夢魂此際繞

盡越水吳山白雲間

謁金門

風嫋嫋吹綠一庭秋草天際夕陽無限好斷腸芳樹老塵
世茫茫難料有酒便湏傾倒落葉滿階從不掃醒來新月皎

鷓鴣天

冬煖

窗外群蛙久不鳴夜來忽聽滿池聲客心且喜逢冬煖天意
猶當放晚晴塵勞事莫關情清風皓月共忘形天桃應妬
芙蓉色故發鮮花照眼明

驀山溪

簷鈴風過昵昵聞中語
月上海東峰冷光浸澄清
玉宇幽人此際輕步繞回廊
蛙鳴沼鴉翻樹露滴松梢雨
蘆花粗老也學楊花絮
袞袞趁流塵半沾泥半飄
陌路不須看覩且自買芳尊
已覩曲婆娑舞醉飲朝還暮

長相思

霜華清月華清清逼衾裯
冷似冰那堪砧杵聲雞已鳴鐘
又鳴天若於人還有情如何不肯明

長相思

鴈南歸人未歸寒信先來
家信遲客顏只鏡知曉風微曉
星稀正是愁闌欲睡時隣雞莫要啼

臨江仙

予在江西時與李燿以莊善以莊嘗賦詩有曰淚如霜
後葉撼撼下庭柯鄭君希道深愛賞之今鄭君已卒以
莊與予別亦二十年夢中相見道舊好覺而憶其人不
知今存與亡因記其詩屬爲詞以寫其悲焉

街鼓無聲更漏咽不知殘夜如何
玉繩歷落耿銀河鵲驚穿暗樹露墜滴寒莎
夢裏相逢還共說五湖烟水漁簑鏡中
綠髮漸無多淚如霜後葉撼撼下庭柯

憶秦娥

風淅淅月明何處吹長笛吹長笛
拂雲來鴈連天蘆荻繁

華過眼成今昔滄波浩渺空潮汐淡煙衰草六朝陳迹

蘇幕遮

白雲山紅葉樹閱盡興亡一似朝還暮多事夕陽芳草渡潮
落潮生還送人來去阮公途揚子路九折羊腸曾把車輪
誤記得寒蕪嘶馬處翠管銀箏夜夜歌樓曙

蝶戀花

蔣山寺十月桃花

度朔移來天上種絳葢丹跗王母親曾弄青女素娥爲侍從
嬋娟獨擅三千寵回首歡娛誰與共荒草殘烟冷落秦源
洞閭苑風高迷彩鳳斷魂飛入韓憑夢

過秦樓

暖日蒸紅濃煙烘黛又過一午春半鸞啼鏡掩桂老蟾孤芳
草爲誰如剪何處燕子飛來入幕穿簾似曾相見問前朝王
謝風流安在雪消冰泮還記得翠幃籠花瓊闌搭柳鳴佩
響和清管圓光易缺急景難追回首夢迷天遠綠蔣青蘋是
他玉樹亭臺金蓮宮苑且高歌對酒趁取韶華未晚

踏莎行

雨過山明煙生川媚佳人初把羅衫試玉驄嘶入柳陰中濛
濛淡日蒸花氣簾幕低垂闌干獨倚一池春浪魚鱗起暮
寒寂寞掩重門怕人問道歸期未

隔浦蓮

朱簾不捲畫雨弱柳愁千縷事與孤鴻去空相憶同誰語雲
水迷翠羽人何許玉佩沉湘浦悄凝竚春風到處白蘋香
滿洲渚淚篁自老目盡野田平楚未用天涯悵間阻回顧斜
陽猶在高樹

生查子

惜花

東風爲愛花着意吹原野穠豔正堪憐何忍輕吹謝悶損玉
樓人獨立花枝下微睇歛雙蛾紅淚和花灑

江神子

春晴楊柳鬱金絲有黃鸝在高枝正是佳人無語倚闌時不

理雲鬟尋斷夢消瘦損雪膚肌海棠飄玉燕交飛草芳菲
水淪漪怕見輕蜂小尾撲香歸滿鏡容顏憑酒染還慘淡對
斜暉

滿江紅

風淡寒輕又還是清明時節幾處處莓苔鋪繡碎紅堆纈滿
樹綠陰堪止渴漫山黃霧松花發背畫闌獨立檢韶華聞啼
鳩懷往事空凄切思不斷腸千結想繁華一瞬夕陽明滅
玄武湖邊楊柳月雞鳴埭上棠梨雪到如今何處覓遺踪泉
聲咽

江神子

詞意何文集 卷十八
絲絲織雨織黃昏掩衡門黯消魂贏得滿頭華髮照乾坤天
上神仙三島外空虎豹守重關 河林落日隱崑崙望中原
杳漫漫白葦青蒿無處着啼猿鳳去不來簫管咽心裏事共
誰論

長相思

桃花開李花開小白長紅越女腮春風巧剪裁 蜂徘徊蝶
徘徊飲遍清香未肯回莫教飄綠苔

憶王孫十二首

集句

花明柳暗繞天愁趙女乘春上畫樓樓上黃昏欲望休月如
鉤檻外長江空自流

亂山凝黛色高低江雨霏霏江草齊開戶無人自鳥啼紅楊
堤笑殺山翁醉似泥

遠書歸夢兩悠悠閑倚南窓盡日愁手捲蝦須上玉鉤淚難
收紅葉相隨何處流

盧家少婦鬱金堂日日春光闌日光勾引花枝笑凭牆映垂
楊不是愁人亦斷腸

當時我醉美人家肯信流年鬢有華海燕西飛白日斜對殘
花莫怨春風當自嗟

情愁無意整花鈿萬事傷心在目前錦瑟無端五十絃月明
天繡被焚香獨自眠

濕雲如夢雨如塵客舍青青柳色新一片花飛減却春勸行人莫向天涯金繞身

郎心如妾妾如郎一度相思一斷腸塵滿金爐不炷香向斜陽離恨空隨江水長

爲誰零落爲誰開小白長紅越女腮漸老逢春能幾迴看花回一日須傾三百杯

水紋如縠燕差池斜日悠揚在柳絲故國平居有所思倚闌時却是同袍不得知

鬱金蘇合及都梁不是金爐舊日香懶對菱花暈曉粧細思量欲話因緣恐斷腸

滿庭芳草易黃昏摘索花枝料峭寒坐見新池落舊痕憶王孫深院無人獨倚門

浣溪沙 集句

花壓闌干春晝長碧樓紅樹倚斜陽入門惟覺一庭香 絕壁過雲開錦繡冰絲彈月夢清涼鸞歌鳳舞斷人腸

浣溪沙 集句

沙渚煙銷翠羽空楚歌重疊怨蘭叢樹頭樹底覓殘紅 三百年間同曉夢幾家臺榭鳳城東露桃猶自笑春風

青玉案 春思

昨朝出日今朝雨望不見愁來路徑滑泥深妨縱步美人何

處花謝誰爲主
離絃不繫鳴箏柱
但滿眼相思淚如縷
關塞迢迢音信阻
千重雲水萬重煙
樹心逐征鴻去

長相思

煙茫茫草茫茫
人去人來來去忙
滄江空夕陽
息飛翔鴈
飛翔天路冥冥
川路長月明蘆葦涼

生查子

集句

他鄉別故人
拭淚攀楊柳
此物最相思
皎皎當窗牖
留取作秋香
出入君懷袖
萬里故園心
天地同長久

生查子

集句

青山欲暮時
暝色生寒樹
不那客愁多
復送王孫去
澗戶寂

無人暗谷疑
風雨耿耿夜何長
月落聞津鼓

生查子

集句

開簾滿地花
風起春城暮
悲妾似花身
暫向花間語
落葉不歸林
鷺鳥從橫去
獨立傍銀床
點點回塘雨

生查子

集句

春風能幾時
柳色看猶淺
胡蝶夢中飛
跡與孤雲遠
明月照花枝
入夜愁難遣
形影自相憐
不及銜泥燕

生查子

集句

新年舊燕歸
似與羈魂語
不見帳中人
空見相思樹
水上覓紅雲
片片隨風去
薄暮欲如何
背泣西窓雨

生查子

集句

思君君未歸向夕千愁起
兩淚忽成行
滴滴空階裏
垂柳覆金堤
蕙草生閑地
少壯莫輕年
白日如流水

生查子

集句

愁多夢不成
坐對銀缸曉
輕袖拂花粧
驚起雙棲鳥
出戶獨彷徨
煙裏看鴻小
日下四山陰
轉轉傷懷抱

浣溪沙

即景

語燕鳴鳩白晝長
黃蜂紫蝶草花香
滄江依舊繞斜陽
泛水浮萍隨處滿
舞風輕絮霎時狂
清和院宇麥秋涼

青門引

晚春

數點松梢雨
還被晚風吹
住
兔葵燕麥幾家春
殘花斷柳難記舊游處
斜陽滿
目
空凝竚
鬢影三千縷
是他枝上蜂蝶紛紛帶取韶華去

漁父詞五首

采石磯頭煮酒香
長干橋畔柳陰涼
歌歎乃濯滄浪
來往煙波送夕陽

白鷺洲邊好
月明賞心亭
下暮潮平
紅米飯紫萼羹
自是無愁過一生

江花江草兩悠悠
隨意東西懶即休
黃犬恨綠珠愁
定應不上釣魚舟

釣得鱖魚不賣錢
甕引滿看青天
芳樹下夕陽邊
睡覺蘆花雪滿船

朝辭蓼渚暮蘆汀
自有沙鷗伴醉醒
塵世裏一浮萍
不着羊裘動客星

賀新郎

愁思

碧秀天涯草怨王孫
雕_木去遠玉驄嘶老
風雨餘春無尋處
絮亂花飛夢杳斷魂與
行雲縈繞赤水珠
沉迷象罔暗塵深
不見長安道
今夜月爲誰好
他鄉事事傷懷抱
更那堪荒煙暝靄
晚虹斜照千里關山
勞回首苔徑殘紅未掃
又恐怕梧桐秋早
王母宮中青鳥使
想歸來已近蓬萊島
竹葉酒且

傾倒

如夢令

鶯啄垂圓黃透
蜂抱碎芳紅皺
睡起北窻風濃
綠滿庭如酒
回首回首想見
那人消瘦

眼兒媚

芳草簾櫳夕陽紅
鶯語綠陰中
王孫何處碧雲千里
青鳥無蹤
玉笙吹落天邊月
離恨滿西風
忍將清淚化爲零雨
滴在蘭叢

虞美人

紅榴花下宜男草
色與人俱好
佳人重色愛新花
只恐東風

漸急夕陽斜 豈知浮豔難長久 看見花枝瘦 瑣牕晨啓怨
花空不覺玉顏憔悴減春紅

玉漏遲

初夏

海榴花似火 看看又見麥秋時候 枝上鳴蜩斷續 一庭金奏
翠沼風漪未定 看葉底明珠圓溜 苔徑黷蝦須掛處 有人消
瘦 緬想那日歡娛 是鴻鴈來初 芙蓉開後 蔓草青蕪 但覺
暗愁依舊 欲把相思寄與 霧煙慘不堪 回首凝望 久寒鴉自
啼 踈柳

踏莎行

破暖輕風 做寒細雨 冥冥飛過空江去 客中無物可消愁 綠

陰滿院 黃鶯語 琴斷朱絃香銷翠縷 連天碧草 人何處 欲
乘斜日 望長安 傷心煙浪迷南浦

菩薩蠻七首

集句

洞房昨夜秋風起 江清露白芙蓉死 豈是遠行時 與君生別

離 千山鳥飛絕 陰想彌年月 思婦夜鳴砧 君聽空外音

東風吹綠瀛洲草 去年人到今年老 老去願春遲 凋傷感所
思 攀枝長太急 倚樹疑無力 正是憶山時 愁容鏡獨知

文牕繡戶垂羅幙 江南綠水通朱閣 花髻玉瓏璫 單衫杏子

紅 高樓悲獨守 日色濃於酒 不敢怨春風 屏幃向月空

珠簾暮捲西山雨 離魂不散煙郊樹 暝色赴春愁 行藏獨倚

樓 王繩迴斷絕卧見雲間月悄悄夜寒生月高風滿城
東流江水西飛燕黃姑織女時相見見少別離多浮生能幾
何 梧桐相待老常恐秋風早萬恨在蛾眉傍人那得知
東邊日出西邊雨孤帆夜發瀟湘渚雨浪細無聲烟斜月轉
明 清猿不可聽楓落吳江冷更欲向芳洲水深難急流
孤雲目斷蒼梧野無邊落木蕭蕭下茲歲已蹉跎其如芳草
何 玉階生白露病骨傷幽素夢好更尋難相思錦帳寒

浣溪沙

即景

雲壓斜暉照樹黃風生水榭綠陰涼渴蛙得雨鬧池塘 紅
焰射人榴火炫青絲窄地柳條長捲簾明月滿迴廊

菩薩蠻

集句贈野人

林中獨酌鄰家酒門前學種先生柳灌木自悲吟風泉清道
心 獨行潭底影蟬噪林逾靜渡口欲黃昏殘陽歸掩門

浣溪沙

布谷催耕最可憐聲聲只在綠楊邊夕陽江上雨餘天 滿
地蓬蒿無舊陌幾家桑柘有新煙戰場開盡是何年

卜筮子

春去蝶先知花落蜂難綴草綠庭空不見人愁共天無際
鑿沼種荷看水淺荷錢細惟有青苔最可憐欲上人衣袂

金錢子

五月五日作

雲淡風微江雨欲來還去倚闌干髮霜千縷白水青無是征
鴻歸處望盡天涯夕陽猶在深深樹艾葉榴花又上阿誰
門戶悄空梁燕雛自語王謝亭臺杳不知何許獨立蒼茫亂
鴉啼滿城鐘鼓

梁州令

雨過羣山翠楊柳含烟如醉畫簷雙燕引雛飛風動榴花點
點猩紅碎對花莫抱闌干倚心亂難爲理夕陽江上滿眼
清波總是愁人淚

最高樓

今宵月還照別離愁愁上最高樓九霄無路青冥闊王京風

露冷於秋寶刀裁不斷水東流誰知道黃梁炊未熟早過
了洞天三十六塵土事幾時休廣寒桂樹清香好圓光恰滿
又成鈎笑階前萱草浪語忘憂

花犯

秋夜

夜何其星移漏轉涼蟾照無睡寶箏絃斷金鴈與青釭相對
憔悴塞鴻過盡人千里餘香怨繡被但滿眼碧雲紅樹闌干
空自倚階前暗蛩最殷勤悽悽似向我說他情意莎露冷
相將到曉霜開蕊惟應有素娥未老曾幾見桑田成海水任
浪語愁來堪遣君看明鏡裏

西江月

紅葉無風自落黃花過雨猶香床頭塵甕耻空觴添了愁城
萬丈 閱世身如萍梗懷人夢繞瀟湘應知此恨不尋常豈
在眉間目上

卜筭子

詠雨

滅滅度蓮池漠漠昏松隴却過西園拂紫塵柳媚花矜寵
泥潤燕衣沾粉膩蜂須重極目滄江不見人波浪兼天湧

蝶戀花

春夢岑岑呼不起草綠庭空日抱嬌鶯睡暖吹飄香三萬里
殘絲骨斷天沉水 寶瑟絃僵誰復理梅子青青苦在心兒
裏滿徑蒼苔花糝地杜鵑口血閨中淚

摸魚兒

晚春

悄寒生沉沉院宇不知春在何處逢春漸老能多少惟有暗
愁無數春又暮但碧草和煙綠葉漫飛絮盡梁燕語還是舊
音聲烏衣巷陌轉盼幾今古 天涯路流水青山如故離魂
長在郊樹夜深月暗蒼梧遠化作杜鵑歸去人不見桃花自
落空階上東風未許吹夢過藍橋關河滿目波浪渺南浦

玉樓春

春來觸處花成綺春去可憐花委地催耕布穀彊知時去國
杜鵑空有淚 雙魚不見人千里落絮牽愁和夢起芭蕉多
事惹東風故作雨聲驚客耳

詞意伯文集
卷十八
惜餘春慢

詠子規

隴水沉沙巴猿咽雨淚盡瀟湘竹死多情怨魄何處飛來聲
在萬重雲裏腸斷行吟放臣去國佳人地遙天邈悄空山月
冷風清惟見野棠如綺記向日瓊戶珠簾櫻唇簧舌吹商
呵徵朱顏尚在十二闌干回首不堪重倚滄海桑田有時海
若未枯愁應無已到明朝贏得浮花滿樹錦般霞碎

金人捧露盤

水如藍山如黛草如絲正去年雙燕來時衡門晝掩日長惟
有睡相宜午風吹破北窓夢簷影參差李花開梅花謝榴
花放杏花稀枉教人兩鬢霜垂憑闌竚立空將愁眼盼斜暉

斷雲迢遞趁征鴈直到天涯

水調歌頭

雨過百花盡綠葉自成帷條然驚破殘夢何許一黃鸝獨上
高樓凝望不見陽春去處惟見草離離且喜畫梁燕還傍舊
巢歸理紈扇清竹簟試單衣莫思身外閑事有酒便須揮
螻蟻王侯同盡何用名標竹帛留與後人疑坐久暮天碧月
在綠楊枝

玉樓春

江城雨熟黃梅後樓閣清高虛未晝階前夕露寶珠呈葉底
夜蟬金石奏蒼苔不受殘紅覆市徑沿墻欺組綬老來於

物總忘情漫爲青山開北牖

歸朝歡

紫燕成雛辭舊宇紅日滿庭雞唱午披襟起遡北窗風綠楊
葉底聞鶯語故人音信阻白蘋吹盡滄江雨倚闌干悠然獨
笑暝色下平楚浮生百歲真羈旅富貴繁華萍梗聚重瞳
隆準等丘墟紫髯桑蓋俱塵土坐來天欲暮烏鴉立遍城頭
樹看雲頭金盤湧出身在廣寒府

傳言玉女

詠蝶

爲問韓憑何事化爲胡蝶妬風羞雨一身輕似葉園苑晝永
麗日晴烟相接舞回柳眼拍翻花頰 殢粉迷香困酣猶自

未愜錦雲深處更愁濃露溼何況素秋枝上曉霜披鬣祗應
無奈翠銷紅厭

好事近

雨過却斜陽虹外遠山猶濕獨據槁梧高坐待北窗風入
可人嘉樹有清陰蟬噪一何急倦暑盼秋來又恐芳時輕戢

虞美人

東風過了南風起節去如流水日長門掩燕交加可惜紅葵
落盡雨中花 人閑只願花長好花謝人催老老來空有愛
花心無奈斜陽不爲駐光陰

訴衷情

相思日日上高樓還是去年秋無情梁上雙燕棄我忽如讐
蟲嘖嘖葉颼颼夜悠悠闌干謾倚塞北江南何地無愁

御街行

秋夕

梧桐滴露鳴金井夜耿耿如年未月明棲鳥數移柯有似佳
期不定華年迅速碧霄迢遞別恨空心領青鸞怕見單棲
影任網遍盤龍鏡盈盈一水隔雙星腸斷羽迷鱗暝消愁憑
酒惟應無奈酒與愁同醒

浣溪沙

槿花

可恨西園木槿花強將孤豔闔輕霞不知門外夕陽斜應
有斷魂隨蛺蝶豈無悠恨寄寒鴉那堪橫被綠苔遮

王漏蓮

詠鴈

渺長空萬里西風動地鴈來無數早發榆關暮入楚江煙雨
逝水浮花去遠但滿眼黃蘆飛絮腸斷處雲深夢澤月寒湖
浦樓上有个佳人悶倚遍闌干翠眉雙聚淚濕鴉鬟化成
素絲千縷一望一回惆悵又燈暗網蟲垂戶天路阻誰知此
情愁苦

滿庭芳

重九

雨歇涼生天高氣爽又是一歲重陽鴈聲來處雲白草茫茫
黃菊知人無酒也不惜槭死幽芳龍山上西風暝靄落日下
牛羊登樓何限興一齊分付絡緯寒蟬把古今閑事莫更

思量坐到銀河案戶城角盡月轉空墻疑眸久驚鳥蜚起零
露濕衣裳

花心動

墻下紅葵向斜陽猶開那時顏色半捲繡簾獨倚雕闌淚眼
爲誰長滴九疑煙霧連蓬島蜚魚去渾無蹤跡舊游處空餘
滿地綠苔堆積 百歲真如過客待落葢重榮不知何夕鏡
掩素塵香歇羅衣此恨怎生消得夜涼月轉梧桐影青燈共
踈螢寥寥正憔悴饑蟲又啼暗壁

小重山

詠月

始暎西軒似玉鈎想應容不得一些愁娟娟斜倚鳳凰樓窺

朱戶應自半含羞 今夜正悠悠玉池金岸總是瀛洲人間
天上一般秋銀潢水何事獨西流

一剪梅

機杼無聲絡緯多天淨雲收月在銀河相思迢迢隔關山雁
短人遙可奈何 身世悠悠似逝波夢裏嗟咨鏡裏婆婆欲
回西日掛扶桑惆悵陽公不解揮戈

南柯子

詠蓼花

汀荇青絲盡江蓮白羽空翠蕤丹粟炫芳叢總把秋光管領
屬西風 豔敵秦川錦鮮欺楚岸楓鯉魚却下水仙宮肯放
斜陽更向若華東

如夢令

昨夜五更風雨吹盡一汀紅樹曠野寂無人漠漠淡煙荒梵
日暮日暮誰與暝鴉爲主

六么令

詠露

淡雲收盡月在蒼龍角霏霏似煙非霧空裏無聲落漢殿仙
人掌冷桂影節高閣玄蟬皓鶴相呼相喚嗽燕華滋笑卅藥
寒蟬不分命薄永夜驚離索絡緯也共莎雞吟盡傷心曲
只恐韶年易晚辜負蓬萊約秋容寂寞憑君着意染取楓林
賽紅萼

憶舊遊

詠燈花

正良宵過雨玉漏傳聲羅幌無風夢覺青釭裏有金葩璀璨
瓊蕊瓏總翠翹隱映丹鳳摇曳碧雲中似瑞靄含星輕霞暈
月霽景攜虹離人最多感况四壁蕭條惟有吟蟲想像長
門殿怨佳期水泮芳意煙空強將片影相對清淚濕鉛紅但
暗自灰心朱顏判却成老翁

聲聲慢

詠愁

無蹤無跡難語難言依依只在心曲雨冷雲昏日暮海涯天
角輕衾夢回酒醒夜悠悠蟲響燈綠事去也縱相憐不是那
時金屋鏡裏清揚婉婉凭朱檻知他爲誰顰蹙鳳老桐枯
慘淡九峯青蠹湘江淚痕未盡有哀猿相伴幽獨向此際更

那堪懷古送目

念奴嬌

紅樹

霜風弄巧把秋林一夜吹成春苑炎帝騎龍來絳闕紫鳳三千乘輦電幟揮雲火旗藝雨綬佩隨瓊憶碧山流水窅然迷却劉阮 堪笑舊日隋園綺羅虛剪蝶與蜂俱怨對此令人心耿耿如在鬱華宮殿若木重暉靡萍四照日漾驪珠暖憑高凝睇赤城相去不遠

採桑子

鴈來不帶天邊信莫上高樓新月如鈞一度看來一度愁人間無限傷心事覆水難收風葉颼颼只是商量斷送秋

夜飛鵲

中天舊時月還照元宵山疊疊水遙遙碧雲日暮去無際玉人何處吹簫東風尚憐故苑儘鶯含脆管柳舞纖腰憑高望斷旋添清淚作春潮 欲問廣寒音信鯨浪湧魚蜚不到層霄芳徑蒼苔漸滿瓊軒珠綴空掩蠨蛸幾時再得海棠花底候鳴鑣但長煙綠樹青蕪暝靄相對魂消

賣花聲

門外綠楊堤有个鶯啼聲聲傳恨入幽閨閨裏佳人驚睡起淚濕眉低 莫把此情題天也悲悽滄江東下夕陽西華髮不知人別苦隨意萋萋

阮郎歸

怨情

河梁携手愴離分，悲嘶聲入雲。長門疎雨滴黃昏，昭陽歌吹聞。懷故國，叫愁魂，淚花紅。欲焚蒼梧，苦霧壓湘筠。猿啼不見君。

搗練子

煙漠漠，日陰陰。山色蒼茫草色深。客裏不知春，又半倚闌無語聽鳴禽。

阮郎歸

寥寥庭館暮寒時，四簷鳴雨垂。博山沉水吐遊絲，玉釭花燼微。蟾影淺，漏聲遲。愁多成夢稀。客行雖好不如歸，有懷當

語誰

賣花聲

樓上倚闌干，月在雲端。輕煙蜚盡碧綃寒。腸斷夕陽芳草外，山海漫漫。柳嫩不堪攀，欲寄應難。盤龍塵匣怨孤鸞，可惜嬋娟今夜月，好共誰看。

長相思

風颼颼，雨颼颼。風雨凄寒似九秋。釀成千斛愁。花事休，春事休。漫把花枝插滿頭。勸春須少留。

玉樓春

東風白下橋邊道，不見百花惟見草。陰雲結暝燕來難，宿雨

留寒春去早 渚蒲汀荇無煩惱舞葉吹香隨處好相思一
夜楚江空滿地綠苔蜂蝶老

醉落魄

東風太惡夜來盡把花吹落餘寒燕子烏衣薄對語空梁似
歎人離索 江山滿眼今非昨無情芳草年年綠霧雲不見
遼東鶴野鳥聲聲只叫思歸樂

解語花

詠柳

依依旖旎媚媚娟娟生態真無比細腰宮裏和煙重組繪滿
園桃李佳人睡起盡未了橫雲嫵媚輕步還憐掌中身不自
勝紈綺 長想渭城雨後恨繁絲難縮陌上征騎陽關歌罷
香塵遠在把翠柔折寄鴉啼向晚羅幕掩數行清淚一任他
花作浮萍漂蕩隨流水

驀山溪

詠簷鐸

夜闌人靜鳴玉傳聲小歷歷透紗窓悄空閨衾寒夢杳凄凄
切切如共旅塊言流水咽過雲停一日腸千繞 金莖月轉
烏尾訛將曉欲斷又還連渺烟霄羈鴻相吊憑誰細寫此意
入朱絲呼郢客招湘靈添作江南調

梅花引

晚雲凝晚煙橫煙草茫茫雲樹平杜鵑聲不堪聽別淚暗傾
良宵空月明 水蠶絲斷琅玕折湘妃竹死青冥裂短長亭

幾千程歸計未成愁隨江水生

浣溪沙

秋思

細雨斜風拂面來草黃雲白鴈聲哀
滄江東去幾時回
楓葉有霜纔可愛菊花無酒不須開
百年多病莫登臺

憶舊遊

閩砧

掩重門夜靜庭戶幽幽驀地聞砧杵
不知何處是雲間過響空外傳音
故鄉未卜歸日棲薄愧飛沉漫對月
興懷臨風起歎惻愴傷心登高盼來鴈
想此際孤幃幾度停針想帶圍寬減
向誰人借問無計追尋但將數點清淚
滴在紫羅襟更倚遍朱闌滿頭素絲應
自今

浪淘沙

閩怨

白日墮林端庭宇生寒黃蘆風急鴈來難
階下露珠眉下淚相賽沈瀾寂寞掩重關
坐到更闌月華雖好不堪看舊恨新愁
都有幾地窄天寬

望江南

黃昏雨滴瀝四簷聲陡爲衾裯添宿潤
都來肺腑作愁城惟覺寐難成單棲鳥
幾度繞枝鳴金獸有烟飛不起玉蟲無
燄翳還明誰識此時情

檇練子

人寂寂夜沉沉風滿中庭月滿林
欲挽銀河湔淚眼銀河清

淺淚痕深

臨江仙

閨怨

織女機邊如鏡月夜深長照空帟玉笙簧冷鳳孤飛苔階行
遍霜露剥裳衣華表柱頭雙白鶴不知何日來歸故山今
在故人稀沉思似夢垂涕掩朱扉

尉遲盃

水仙花

凌波步怨赤鯉不與傳檝素空將淚滴珠幾呱呱含情無語
瑤臺路永環佩冷江臯荻花雨把清魂化作孤英滿懷幽恨
誰訴長夜送月迎風多應被彤闈紫殿人妬三島鯨濤迷
天地歡會處都成間阻淒涼對冰壺玉井又還怕祁寒凋翠

羽盼瀟湘鳳杳篁枯賞心惟有青女

滿路花

山煙掠草低江月披雲濕闌聲宵未了鍾聲急寒鴉何事獨
在枝頭立老來諸病集客裏光陰駛如馳馬難繫懷新思
故記一長遺十頽墉圍廢宇憑誰葺階前冷露似向離人泣
歲暮蛟龍蟄干將掛壁任他苔鏽生澀

喜遷鶯

梅花

凍雲初啓看白皦梅花俯窺清泚膏澤無加鉛華不御應與
素娥爭麗艷浥葉宮露冷香引瑤池風細夜耿耿想飛瓊欲
下縞衣搖曳驚慨猶記得月榭春宵錦障開芳砌倚樹聯

詩韻英浮酒左右翠翹珠幌今日故人何在腸斷白波東逝
向此際但含情獨立爲伊凝睇

水龍吟 夜聞銅餅湯響作

玉缸開盡丹葩畫簷深宿蟾蜍影門掩清宵聲來何處堂空
人靜如竹梳風如荷過雨如泉發井向羅幃細細如歌如語
還如暗蟲相命 繡被沉薰正暖夢雲車紫鷓雙竝洞庭曠
野九韶齊奏殷天笙磬別有峨眉鼓琴彈瑟江鳴山應待脩
然睡覺爐存餘炷雞啼窓罔

雨中花

月入踈松光的皜淡烟瑣江城夜寂問何處無愁人間今占

莫作他鄉客 月裏青鸞空有翼杳不見姮娥消息但北斗
從橫銀河清淺重露成涓滴

菩薩蠻

冰漸着樹成雲朶林稍白月欲將墮戶下有啼鳥如悲良夜
徂 蘭芳銷翠被淒惻驚眠起起坐待天明飛霜入鬢清

怨王孫

鱗羽路阻佳人何處木落山寒江空歲暮明鏡飛上青天照
無眠 海風裂地鯨魚死三萬里水擊蓬萊徒不禁清淚暗
裏灑向孤燈結成冰

錦堂春

詞意伯文集 卷十八
墻角含霜樹靜樓頭作雪雲垂鈎簾鵲噪空庭晚坐看月來
時 異域書迷雁足幽閨鏡掩蟲絲一宵兩地腸千轉惟有
夢魂知

浣溪沙

煙慘雲黃天雨沙葉踈枝冷叫棲鴉峭風凝霧作琪花 澧
浦空捐遊子佩河源不返客星槎夜冷坐聽鼓三擗

玉燭新夢歸

羈魂悲別久但悶曉憂昏感新懷舊任他萬壑千峯阻徑度
不勞回首樓臺側畔記向日新栽花柳斜照裏一帶青山山
前翠浮瓊溜 佳人倩笑來迎有野舞村歌亂童鮫叟故池
半甃風葉動攪亂數升科斗周章未了早盡角吹殘更漏翻
惹起無限愁端中心自受

臨江僊

樓外西風將雨過重門又掩黃昏金鳥香息被無溫繁思牽
宿恨愕夢愴離魂 往事都隨流水去傷心欲共誰論故家
者舊幾人存相思芳歲盡霜雪滿乾坤

清平樂

春風欲到小草先知道黃入新萸顏色好圖遣玉孫歸早
興來策杖微行枝間布穀初鳴喜見兒童相報墻根薺菜先
生

錦堂春

鵲噪輕陰乍霽鳩鳴冷雨還來不知春到多時了渾未見花
開 老景夕陽有限華年逝水無回相思一夜蘭膏歇清淚
滴瓊瑰

蘇幕遮

雨瀟瀟風嫋嫋柔夢相牽不覺春窻曉鴈到衡陽回去了鏡
裏離鸞獨對琴臺老 楚天長秦樹杳山蹙愁眉江學出腸
繞滿地蒼煙連碧草弱水三千人隔蓬萊島

蝶戀花

白水茫茫煙渺渺原野高低觸處生芳草草綠花紅人自老
有情爭似無情好 喪亂餘身歡意少腸斷江山不肯留殘
照門掩黃昏寒料峭角聲吹起雙棲鳥

洞仙歌

春夢

濛濛漠漠杳不知根蒂蕩漾春光去無際盼神仙縹緲烟藹
蒼茫身到處惟有天風引袂 故人千萬里驀地相逢忘了
關山路迢遞聚散未分明雨眩雲酣空回首已迷塵世但擁
被追尋恍如遺惜不覺雞鳴若華東啓

風入松

一天煙靄醞愁陰庭宇沉沉畫梁燕子來何晚薄寒猶戀羅
衾但道青春未謝不知芳徑苔深 少年歡笑夢中尋落得

詞意伯文集
傷心蒼梧鳳去幽篁死斷絃空繫瑤琴莫更登高望遠杜鵑
聲在雲林

祝英臺近

問青青河畔草能得幾時好春去難留鏡掩鸞空老淒涼深
院黃昏新愁陳恨趁風雨一齊來到霧雲香漫有千丈遊
絲那堪繫殘照羅幙寒生哽咽子規叫斷腸只是綠愁柔腸
數寸怎禁得許多煩惱

摸魚兒

斷腸花已隨流水青苔空鎖深院知人不似花重好莫恠爲
花留戀花不管任啼鳩悲鳴霞錦成霜霰水遙山遠淚滴翠

綃寒滿天風雨寂寞送書鴈傷心事縱是生來見慣那堪
芳歲先晚孤雲日盡蒼梧野留得竹枝歌怨簾莫捲斜照裏
荒烟白草愁何限情長意短蟲響又黃昏沈沈夜永惟有月
華滿

小重山

月滿江城秋夜長西風吹不斷桂花香碧天如水露華涼人
不見有淚在羅裳何許鴈南翔堪憐一片影落孤房百年
浮世事難量空回首天闊海茫茫

點絳脣

昨夜三更井梧葉上聞鳴雨夢魂空去不到思量處爲問燈

詞意伯文集 卷十八
花底向愁人吐花無語星河滿樹白髮三千縷

菩薩蠻

月華泛濫秋塘草羈蟲露泣芙蓉老空館夜聞砧難爲客子
心 故鄉何處在雲白天黏海天海共蒼茫何時還故鄉

一萼紅 送別

白蘋洲有蘆花似雪人在木蘭舟祖帳方開驪歌未闕斜照
半入江樓話不了纏綿意緒早歸鴻相喚落沙頭紅蓼丹楓
青煙碧草總爲供愁 此去幾時重見悵穠華易謝零雨難
收洛浦波空渭城柳盡欲飲還又回眸恨只恨無情海水赴
歸風輒向西流畢竟難留一宵長似三秋

生查子

蜘蛛網畫簷一日絲千轉紅燼落寒缸心死無由見湖上采
蓮歸苦意知何限引領望佳期征旆天邊遠

霜葉飛

簾涼宵永紗窗外琅玕飄墜金井欲眠深恐寐難成彊起看
星影悄不覺天回斗柄封狼弧矢相輝映對此默消魂又露
落青冥漸漸濕透衣領 河漢有客乘槎清都非遠可惜魚
羽無定桂花吹散廣寒風兔老蟾蜍冷但唧唧飢蟲啼暝中
心撩亂誰能整坐待雄雞三唱颯颯霜髭怕臨青鏡

浣溪沙

半畝荒園自看鋤雨中時復擷新蔬不須彈鋏歎無魚
早息機心勞役少懶聞世事往來踈清風明月總羸餘

擣練子

雲淡淡月娟娟雲月朦朧照不眠寧是不眠休作夢夢時歡
喜覺時憐

擣練子

吳苑樹楚江楓一樣秋光兩不同莫道衰榮長定在落花終
古怨東風

江神子

城頭吹角夜沉沉有棲禽出踈林衝落滿庭珠露滴衣襟身

在吳江家在越南北事兩關心人生莫遣二毛侵病相尋
老鬢鬢謾好青山綠水懶登臨千古鍾期今已矣空慘愴對
瑶琴

南柯子

送別

送別滄江末傷心落日曛寶箏絃斷鴈離群最苦愁濃酒淡
不成醺黃葉淒涼月丹楓索漠雲重來此地却思君但覺
驪歌猶在耳中聞

桃源憶故人

淵明籬下黃金蕊還共空尊憔悴今古這般滋味想得都相
似牛山落日悲風起回首舊歡無幾長夜清涼如水獨立

半畝荒園自看鋤雨中時復擷新蔬不須彈鋏歎無魚
早
息機心勞役少懶聞世事往來踈清風明月總羸餘

擣練子

雲淡淡月娟娟雲月朦朧照不眠寧是不眠休作夢夢時歡
喜覺時憐

擣練子

吳苑樹楚江楓一樣秋光兩不同莫道衰榮長定在落花終
古怨東風

江神子

城頭吹角夜沉沉有棲禽出踈林衝落滿庭珠露滴衣襟身

在吳江家在越南北事兩關心
人生莫遣二毛侵病相尋
老鬢鬢謾好青山綠水懶登臨千古鍾期今已矣空慘愴對
瑶琴

南柯子

送別

送別滄江末傷心落日曛寶箏絃斷鴈離群最苦愁濃酒淡
不成醺
黃葉淒涼月丹楓索漠雲重來此地却思君但覺
驪歌猶在耳中聞

桃源憶故人

淵明籬下黃金蕤還共空尊憔悴今古這般滋味想得都相
似
牛山落日悲風起回首舊歡無幾長夜清涼如水獨立

星河裏

六么令

杪秋遙夜人卧群喧息明河漸低庭戶戶有蟪蛄織何許飛
來鴈陣衝入寒煙碧相思何急悲來空自目斷雲霄羨歸翼
青鐙獨照暗壁瓜瓜羈魂寂堪恨冷夢難長欲見無由得
年少不知過了老去徒嗟惜追尋疇昔愁如流水渺渺茫茫
趁潮汐

一剪梅

征鴈來時木葉紅淡淡秋光嫋嫋西風江南江北短長亭煙
草低迷落照中浮世生涯一轉蓬今日韶顏明日衰翁五

丁難挽逝川回千古英雄此恨都同

蝶戀花

冷雨淒風昏白晝庭院幽幽秋草沿墻秀何處無愁仍有酒
可憐彭澤門前柳老去情懷難似舊貌殊言異轉使人看
醜漫摘黃金花在手寒煙滿眼空回首

浣溪沙

詠雞冠花

絳幘雞人紫綺裘彤墀欲報五更籌不勝嬌冶立清秋日
影却穿雲氣入虹光猶帶露華流三千紅粉總疑眸

風流子

詠草

雪盡水平津萋萋處風景最愁人想金勒未歸繡幃深閉玉

詞意作文集 卷十八
顏自老芳意徒新送日挽煙千萬里迤邐際蒼旻蜀魄叫迷
楚魂思殢碧雲如夢眉黛空顰 淒涼長門殿飛花與清淚
共滴華茵惟有亂螢時來夕砌相親恨此身不化柔條弱蔓
暗隨靈雨得到楓宸窓掩黃昏一生幾度青春

蘭陵王

問明月何苦纔圓便缺青冥裏風慘露淒長向人間照離別
玄陰凋暮節瑤井冰斯暗結闌下外河漢漸低星影輝輝動
城闕 重裘冷如鐵看頭上春雲都作飛雪銀釭花落銅壺
咽傷懷已無柰暝鴉多事啼遍寒枝未肯歇寸心自摧折
初怛望天末恨正抵滄江煙浪空闊文魚翼短沉書札淚滴
在衣袂盡成清血羈愁恰似庭草枯了又更茁

踏莎行

詠遊絲

弱不勝煙嬌難着雨如何綰得春光住甫能振迅入雲霄又
還旖旎隨風去 高拂樓臺低黏花絮如狂似醉無歸處黃
蜂粉蝶漫輕盈也應未敢窺芳樹

青門引

采采黃金蘂遙見晚山橫翠重門深掩一庭風沾來淡酒能
得幾回醉 草黃雲白鴻千里落日寒煙起相憐自有明月
照人肺腑清如水

浣溪沙

不寐凄寒剥瘦肌聞鐘驚起攬裳衣恰如久戍得歸時
斜
漢隔山牽月落小禽出樹掠霜飛濛濛輕藹暈朝暉

浪淘沙

門外幾多春特地愁人紅英都作馬蹄塵只有青青河畔草
一似相親 極目楚江濱流水無津野狼山鳥怨芳辰叫雨
呼雲昏復曉天也傷神

踈影

分韻詠荷花得實字

琴薰應律有細煙眉雨濃露晞日洛浦波生湘渚風交霓裳
水佩爭出姮娥欲共青鸞舞颺錦幕香霏紈質喚海童齊捧
驪珠豔色蕩搖鮫室 遙想麻姑壇上翠霞與綺袂相伴蕭

瑟妖冶珊瑚柔媚昌宗敢污天然清謚西峯玉井秋河近看
葉底蜂房成蜜爲君摘向金尊壓倒楚江萍實

花心動

煙雨池塘盼花枝垂垂向人如泣燕子乍歸簾幕餘寒語困
畫梁雙立曉光搖帳驚眠起鶯簧猶澁斷腸處絲繁絮亂子
規聲急 只恐芳時易戢便不待秋風粉銷香泮半掩綺窓
深鎖重門天靜月華將入素琴彈盡離鳳調淒風與愁雲交
集夜迢迢羅襟舊痕又濕

卜筮子

白日下層岑青靄生寒水水遠山長不見人月上風微起

何許一孤鴻飛去瀟湘止欲採蘋花寄所思無處尋雙鯉

瑞龍吟

秋光好無奈錦帳香銷綉幃寒早鈎簾人立西風送書過鴈
依然又到故鄉杳空把淚隨江水夢縈池草何時賦得歸
來倚松對柳開尊醉倒衰鬢不堪臨鏡鏡中愁見蓬飛絲
繞門外遠山青青長帶斜照石泉澗月辜負夜須嘯傷心處
楓凋露渚荷枯烟沼燕去玄蟬老滿天細雨鳴羈鳥花蔓當
簷梟庭院靜遙聞清砧聲擣擁衾背壁一燈紅小

渡江雲

西風吹楚甸四山淨綠萬籟起秋聲捲簾當晚霽倚遍闌干

慘惻望鄉情柴桑舊菊爲誰猶擢金英愁對他一江流水袞
袞向東傾 凄清天邊孤鴈甚處飛來到中庭落影雲路遙
歸程難計離恨空縈斜陽冉冉低喬木但暝色搖動簷楹還
又見花間露滴瑤瓊

帝臺春

涼雨新沐秋花遍墻角門對遠山山帶斜陽葱蘢相屬明月
今宵已自滿又爭柰素娥幽獨向天涯望月興懷愁多如簇
年歲促歡去速意易足事難續鏡掩懶重開縱春風也不
解染黃成綠隴首孤雲去無際草上露華白如玉且深下紅
簾倒金樽醅醪

浣溪沙

嫋嫋西風吹草黃
踈踈零雨泫花粧
驚寒鸚鵡喚人忙
鴈影兩行衝月落
蟲聲一部和更長
博山煙冷思茫茫

千秋歲

送別

淡烟平楚又送王孫去
花有淚
鶯無語
芭蕉心一寸揚柳絲千縷
今夜雨定應化作相思樹
憶昔歡游處
觸目成前古
良會知何許
百盃桑落酒
三疊陽關句
情未了
月明潮上迷津渚

驀山溪

三更鳴雨濕透桃花臉
珠箔未登鈎
早飄落
猩紅數點碧雲

如夢人去已無踪
金泥鳳玉蟠龍
寂寞蛛絲檢
玄華柔軟
揔被秋霜染
夜擁寒衾耿青鐙
膏疑暈
閃銅壺
漏水應是接
天河一聲去
一聲來
空把重門掩

長相思

嘉興道中

草青青
麥青青
草穗高低麥穗平
黃花相間明
山禽鳴水禽鳴
禽鳥與人同
有情不堪聞此聲

浣溪沙

春半江城不見花
也無楊柳可藏鴉
青煙碧草到天涯
過雨郊原啼布穀
始雷池沼出鳴蛙
清明寒食客思家

摸魚兒

酒軒窗數聲疎雨霎時驅退殘暑碧江風過龍鱗起天際白
雲如絮人老去但說道秋來先自傷心緒故鄉何處望不見
淵明菊荒三徑盡日漫凝佇 新涼夜兔影澄清漢渚寥寥
鴻鴈飛度莎雞絡繹閑相妬催得鬢絲千縷芳草渡還又是
蒼煙綠水連紅樹榮名幾許隨分莫求多五湖有路波浪未
應阻

祝英臺近

翠烟收珠露下星漢共瀟灑桂影徘徊白雪粲簷瓦故鄉渺
渺青山茫茫綠水又爭柰流年如瀉 嫩涼夜尚有萱草餘
花芳菲臺榭銅篆香殘絳蠟散輕燧謾說花解忘憂憂多花

少更不分被風吹謝

怨王孫

兔魄又滿天長鴈短露槿驚寒夜蟬怨晚知有多少閑愁在
心頭 白雲飛盡秋無際花滿砌鐘鼓重門閉前年舊事轉
盼已逐東流水悠悠

二郎神

捲簾邀月漸夜永涼生珍簟看露出青莎煙凝碧樹的皜殘
螢數點老景逢秋蕪多病怎免得長懷短念辜負却故園千
山松桂一池菱芡 門掩寂寥滿地餘花紅糝睽翠被香收
玉觴塵浣背壁蘭缸自閃馬角不生烏頭難素心似風旌長

颺休恠他敗葉寒蟄相應替人悽慘

霜葉飛 七夕

鯉魚風起津梁斷盈盈一水難渡藕花相向自成蓮誰道中
心苦又不覺明星在戶鵲橋橫跨黃姑渚怕喜極悲生似那
日匆匆再把歡笑辜負 堪恨桂闕姮娥乘雲驟霧便踏龍
尾先去碧雞啼罷鳳樓寒早漏聲催鼓盼油壁香車駕了踟
躕欲上頻回顧但暗滴真珠教向人間散成飛雨

少年遊

清風收雨輕雲漏月涼氣入幽窗亂葉吟朝飢蟲啼夜各自
奏新腔 孤鴻又向天邊落歸夢阻蒼江百結愁腸兩行絲

鬢寂寞對清缸

小重山

說道多憂解瘦人眼中雙別淚怕沾巾白蘋紅蓼滿江濱空
搔首何處是歸津 感舊却憐新情懷都不似少年春野花
園柳共埃塵盈尊酒取醉莫辭頻

漁歌子

為趙德懷賦

麥秀蘄蘄野雉飛沙頭新柳葉如眉風澹蕩水連漪正是溪
魚上釣時
二月桃花紫錦香一聲啼鳩萬蜂忙歌歎乃濯滄浪有酒無
愁醉不妨

煙雨樓前溪水生，少微山下雜花明。
楊柳岸小舟橫，綠陰如幄聽啼鶯。

漠漠風花撲面飛，萋萋烟草送人歸。
彭澤菊首陽薇，白酒蒼苔獨掩扉。

雨聲一夜水漫沙，埵鶴長鳴蟻出窠。
汀荇葉石楠花，隨意漂流擁釣槎。

蒼嶺松花結子成，南明山色翠相迎。
游客思故人，情不是陽關墮淚聲。

三寸時魚碧玉鱗，一汀芳草綠羅茵。
楓葉渚荻花津，笑殺黃埃馬上人。

滿庭芳

清明

積雨沉春昏烟，酹晝不知還。又清明，榆錢柳絮，相逐鬪輕盈。
芳徑莓苔漸滿，青蘋與白芷俱生。踈籬畔，海棠間竹，有个鶉鳩鳴。
寬心應是酒，酒衝愁陣，彊似奇兵。愛星星白髮，知我生平底用。
登樓看鏡，誤身世，只是虛名。空疑佇，落花如雪，雲霧瑣高城。

右詩餘舊出寫情集嘉靖乙卯冬至縉雲樊獻科識

太師誠意伯劉文成公集卷之十八終



世